

全上古三代秦漢三國六朝文

全三國文卷三十

烏程嚴可均校輯

魏三十

應璩

璩字休璉汝南人五官將文學場弟歷任文帝明帝爲散騎常侍齊王時遷侍中爲大將軍曹爽長史後復爲侍中典著作嘉平四年卒贈衛尉卿有集十卷

與曹公牋

昔漢光武與戴子高有撫塵之好

藝文類聚六

薦和慮則牋

和棋字慮則

璩聞唐堯因羣士已興治齊桓假眾能已定業是故八元進則太平之化成六賢用則九合之功立切見同郡和棋字慮則質性純粹體度貞正履仁蹈義動循軌禮方今海內企踵欣慕捉髮之德

按御覽
作體素
清直

山林投褐思望旌弓之招實英奇敘用之時貢達進致之良秋也

令夜光之璧顯價于和氏之肆千里之足定功于伯樂之庭庶有

呂宣明大道光益時化魏文類聚五十三

薦賁伯偉賁賁琳字伯偉

璩聞景雲浮則應龍翔治道明則雋乂臻是故良哉之歌興于唐

堯之世多士之頌起于周文之朝竊見太子舍人賁琳字伯偉稟

性純和體素清口宜授呂千里之塗任呂列曹之職魏文類聚五十三御覽六

百三十二

與曹昭伯賁賁琳字伯偉

空城寥廓所聞者悲風所見者鳥雀昔陳司空為邑宰所在幽閑

獨坐愁思幸賴遊藝呂娛其意呂今況之知不虛矣御覽九百四十七

與劉文達書劉靖字文達

入作納言出臨京任富民之術日引月長藩落高峻絕穿窬之心

五種別出。遠水火之災。農器必具。無失時之闕。蠶麥有苦備之用。無雨溼之虞。封符指期。無流連之吏。鰥寡孤獨。蒙廩振之實。加之。曰明。撻幽微重之。曰秉憲不撓。有司供承王命。百里垂拱。仰辦。雖昔趙張三王之治。未足。曰方也。魏志劉放傳

僕頃倦遊談之事。欲修無爲之術。不能與足下齊鑣騁轡。爭千里之表也。御覽三百五十八

與滿公琰書公琰字

璩白。昨者不遣。猥見照臨。雖昔侯生納顧于夷門。毛公受眷于逆旅。無已過也。外嘉郎君謙下之德。內幸頑才見誠知已。歡欣踴躍。情有無量。是已奔騁御僕。宣命周求。陽書喻于詹何。楊倩說于范武。故使鮮魚出于潛淵。芳旨發自幽巷。繁俎綺錯。羽爵飛騰。牙曠高微。義渠哀激。當此之時。仲孺不辭同產之服。孟公不顧尙書之期。徒恨宴樂始酣。白日傾夕。驪駒就駕。意不宣展。追惟耿介。迄于

明發適欲遣書會承來命知諸君子復有漳渠之會夫漳渠西有
伯陽之館北有曠野之望高樹翳朝雲文禽蔽綠水沙場夷敞清
風肅穆是京臺之樂也得無流而不反乎適有事務須自經營不
獲侍坐良增邑邑因白不悉璩白

文選載文類
聚二十八

與從弟君苗君胄書

璩報聞者北遊喜歡無量登芒濟河曠若發矇風伯埽途雨師灑
道案轡清路周望山野亦既至止酌彼春酒接武茅茨涼過大夏
扶寸肴脩味踰方丈逍遙陂塘之上吟詠苑柳之下結春芳已崇
佩折若華已翳日弋下高雲之鳥餌出深淵之魚蒲且讚善便嬾
稱妙何其樂哉雖仲尼忘味于虞韶楚人流遷于京臺無已過也
班嗣之書信不虛矣來還京都塊然獨處營宅濱洛困于囂塵思
樂汶上發于寤寐苦伊尹輟耕郢惲投竿思致君于有虞濟蒸人
于塗炭而吾方欲乘乘耜于山陽沈鉤緝于丹水知其不如古人

遠矣。然山父不貪天地之樂，曾參不慕晉楚之富，亦其志也。前者
邑人念弟無已，欲州郡崇禮，師官授邑，誠美意也。歷觀前後來入
軍府，至有皓首猶未遇也，徒有飢寒駿奔之勞，俟河之清，人壽幾
何？且宦無金張之援，遊無子孟之資，而圖富貴之榮，望殊異之寵，
是隴西之遊，越人之射耳。幸賴先君之靈，免負擔之勤，追蹤丈人，
畜雞種黍，潛精墳籍，立身揚名，斯爲可矣。無或遊言曰：增邑，邑郊
牧之田，宜已爲意。廣開土宇，吾將老焉。劉杜二生想數往來。朱明
之期已復至矣。相見在近，故不復爲書。慎夏自愛。璩白。文選：魏文
八

與侍郎曹長思書

璩白：足下去後，甚相思想。叔田有無人之歌，閨閣有匪存之思，風
人之作，豈虛也哉？王肅曰：宿德顯授，何曾曰：後進見拔，皆鷹揚虎
視，有萬里之望。薄援助者，不能追參于高妙，復斂翼于故枝，塊然

獨處有離羣之志。汲黯樂在郎署。何武恥爲宰相。千載揆之。知其有由也。德非陳平。門無結駟之跡。學非楊雄。堂無好事之客。才劣仲舒。無下帷之思。家貧孟公。無置酒之樂。悲風起于閭闔。紅塵蔽于机榻。幸有袁生。時步玉趾。樵蘇不爨。清談而已。有侶周黨之過閔子。夫皮朽者毛落。川涸者魚逝。春生者繁華。秋榮者零悴。自然之數。豈有恨哉。聊爲大弟陳其苦懷耳。相還在近。故不益言。璩白。

選文

與廣川長岑文瑜書

璩白。頃者炎旱。日更增甚。沙礫銷礫。草木焦卷。處涼臺而有鬱蒸之煩。浴寒水而有灼爛之慘。宇宙雖廣。無陰日憩。雲漢之詩。何曰。過此。士龍矯首于立寺。泥人鶴立于闕里。修之歷旬。靜無微效。明勸教之術。非致雨之備也。知恤下民。躬自暴露。拜起靈壇。勤亦至矣。昔夏禹之解陽肝。殷湯之禱桑林。言未發而水旋流。辭未卒而

澤滂沛。今者雲重積而復散。雨垂落而復收。得無賢聖殊品。優劣異姿。割髮宜及膚。剪爪宜侵肌乎。周征殷而年豐。衛伐邢而致雨。善否之應。甚于影響。未可已爲不然也。想雅思所未及。謹書起予。

應璩白

文選載文
類聚一百

與劉公幹書

鶉鷄棲翔鳳之條。鼉鼉游昇龍之淵。識真者所爲憤結也。

文選陸
機吳王

郎中時從梁
陳作詩注

與韋仲將書

夫曰原憲縣罄之居。而值皇天無已之雨。室宇漸而作漏。堂館洽而爲泥。薪芻既盡。舊穀亦傾。匱屠蘇發。撒機榆見。謀進無顏。子不改之志。退無楊雄晏然之情。是已懷慙。良不可堪。人非神仙。須仰衣食。方今體寒心飢。憂在旦夕。而欲東希誅昌治生之物。西望陵縣。廚食之祿。誠恐將爲牛蹄中魚。卒鮑氏之肆矣。

藝文類聚三十
五初學記十八

御覽

十一

與董仲連書

穀糴驚踊告求周鄰日獲數斗猶復無薪可已熟之雖孟軻困于梁宋宣尼飢于陳蔡無已過此夫挾管晏之智者不有廝役之勞懷陶朱之慮者不居貧賤之地出蒙詔于臧獲入見謫于嬖息忽使已憤不知處世之爲樂也

藝文類聚三十
五初學記十八

與尙書諸郎書

夫秋節涼和霖雨清閒正高會之盛時飲宴之良日也而陋巷之居無高密之宇壁立之室無旬朔之資流潦浸于北堂隙漏霑于衣服蘂蒸單竭檐后傾轆中饋告乏役者莫興飯玉炊桂猶尙優泰雖欣皇天之降澍亮水車之思雨私懷慙額良不可言想諸夫子亦斯困也夫否泰潛升蓋由昏明二三執事曰龍虎之姿遭風雲之會方將飛騰閭閻振翼紫微運籌帷幄顯揚豐績豈久沈滯

于下職契關于貧悴哉藝文類聚三十五

檀氏園葵榮繁茂諸蔗瓜芋亦離離向萌未知三生復何種植御覽

九百七十四

與劉孔才書

聽廣陵之清散文選嵇康琴賦注又謝靈運道路傍山中詩注又夢溪筆談五

與梁州刺史劉文爽書

足下內挹叔夷之清節外播二南之惠政德教加于百姓要道過

于侏國之卿也書

與夏侯孝智書

遭值有道之世免致貧賤之患援鑒自照鬢已半白良可懼也北堂書鈔

書鈔一百三十六

與洛陽令杜偉忠書

羊寄虎穴鵠托鷹巢心懷怵惕豈其任哉北堂書鈔一百五十八

與王子雍書

卿校之從有職之事足下著書不起草占授數萬言言不改定事

合古典莫不歎息之矣書鈔

與毋丘仲恭書

客館不畱賓官曹無停事書鈔

與趙叔潛書

入侍華幄出典禁闈文選陸機贈馮文熊遷斥丘令詩注

與王將軍書

雀鼠雖微猶知傲烈文選劉孝標廣絕交論注又任防為范始興求立太宰碑表注劉峻廣絕交論注竝作雖

思

與龐惠恭書

頻見所上利民之術植濟南之榆栽漢中之漆藝文類聚八十八御覽九百五十六

與西陽令孔德琰書

嘉麥順祥唯日未久不圖飛蝗一旦至止知恤蒸庶念存良苗親
發赫斯爰整其旅船背之叟皓首之黎莫不負戈奔走于道路旌
表曜于白日磁慰震于雷動曰此埽敵必將席卷況于微蟲能無
驚駭卓茂治密恭在中年時雖有災未若斯勤亦猶子賤鳴琴巫
馬出入勞逸有殊立功惟一重雲比興不降靈雨麗此二災憂心
忡惓逐蝗之道謹問教矣不審致禳將曰何物文王修德曰厭地
震湯禱桑林致克豐雨宜修善政曰慰民望疏文類
卷一百

與楊生書

知楊生翻然遂登納言雖有所越亦其宜也傳說棄板築而為殷
相呂望投釣竿而為周師卓茂起閭里而為漢宰若此貧者乃奇
才耳璅璅尚書執憲之吏曷曰為異哉御覽二百
一十二

與許子俊書

前別倉卒情意不悉追懷萬恨

文選任昉出郡傳
舍哭范僕射詩注

足下曰方剛之

盛年應不霸之勁勇將發虓虎之威致霜雪之誅擒吳梟蜀定功
萬里而劉備不下山孫權不出水武力不奮猛氣畜勇其毒如何

御覽四百三十七

與崔元書

豈有亂首抗巾曰入都城衣不在體而曰適人乎昔戴叔鸞箕坐
見邊文禮此皆衰世之慢行也

御覽四百九十八

與陰中夏書

從田來凡南野之中有徒步之士怪而問之乃知郎君頃有微疴
告祠社神將曰祈福聞之悵然曰增歎息虛社高樹能有靈應哉

御覽五百三十二

體正者則檢于人質弱者則陋于眾

文選謝靈運還舊園作見顏范二中書詩注

荅韓文憲書

昔公孫宏皓首入學顏涿聚十五始涉師門朝聞道夕殞聖人所

貴足下之年甫在不惑如日學藝何晚之有有若能上追南榮忘
食之樂下踵寧子黑夜之勤窮文盡義無微不綜規富貴之榮取
金紫之匱是夏侯勝拾芥之謂也御覽六百一十四

報燕中尉樊彥皇書

寧祛登輿北踐燕路方當化銀龜曰爲黃變青組曰爲紫御覽八百十九

報平陸長賁伯瑋書

從此辭矣何敢復飛蟬于惠文鳴玉于綈組哉御覽八百一十九

與程文信書

是日忽此蘇子帶郭之業永彼孫叔寢丘之地欲求遠田在關之
西南臨洛水北據芒山託崇岫曰爲宅因茂林曰爲蔭宋書謝靈運傳山居

賦注文選齊竟陵王行狀注別作應場御覽八百二十一

報東海相梁季然書

足下頓彌天之網收萬仞之魚量之曰谿谷數之曰陔兆何其壯

平觀夫任公子之所釣此謂鱸鰕未足為吾子之道御覽八百三十四

書

左執屈盧之勁矛右秉干將之雄戟高冠拂雲長劍耿介蕭管振
音厥聲載路馮軾虎視清風震疊可謂堂堂乎難與並為仁矣御覽

三百三十九

書

清復與壺人爭旦海錄碎事文選任彦昇齊竟陵王行狀有此語注不云應瑗書張博百三家集引海錄碎事當

應瑗

瑗未詳有集十卷

與桓元則書桓範字元則

敢不策馳敬尋後塵文選七命注

吳質

質字季重，濟陰人。建安中，爲朝歌長。遷元城令。文帝受禪，拜北中郎將，進振威將軍，使持節都督幽并諸軍事，封列侯。太和四年，入爲侍中，卒諡醜侯。正元中，改諡威侯。

魏都賦

我太祖鴻飛充豫

文選沈約齊安陸王碑文注

英雄響附

文選陸倕石闕銘注

荅魏太子牋

二月八日庚寅，臣質言奉讀手命，追亡慮存，恩哀之隆，形于文墨。日月冉冉，歲不我與。昔侍左右，廁坐眾賢，出有微行之遊，入有管絃之歡，置酒樂飲，賦詩稱壽。自謂可終始相保，竝騁材力，效節明主。何意數年之間，死喪略盡，臣獨何德，已堪久長。陳徐劉應，才學所著，誠如來命，惜其不遂，可爲痛切。凡此數子，于雍容侍從，實其人也。若乃邊境有虞，羣下鼎沸，軍書輻至，羽檄交馳，于彼諸賢，非

其任也。往者孝武之世，文章爲盛。若東方朔枚皋之徒，不能持論，卽阮陳之儔也。其唯嚴助壽王，與聞政事，然皆不愼其身，善謀于國，卒呂敗亡，臣竊恥之。至于司馬長卿，稱疾避事，呂著書爲務，則徐生庶幾焉。而今各逝，已爲異物矣。後來君子，實可畏也。伏惟所天，優游典籍之場，休息篇章之圃，發言抗論，窮理盡微，摘藻下筆，鸞龍之文，奮矣。雖年齊蕭王，才實百之，此眾議所已歸高遠近所已同聲。然年歲若墜，今質已四十二矣。御覽三百七十白髮生髮，所慮日深，實不復若平日之時也。但欲保身，敕行不蹈有過之地，已爲知己之累耳。遊宴之歡，難可再遇。盛年一過，實不可追。臣幸得下愚之才，值風雲之會，時邁齒戴，猶欲觸匈奮首，展其割裂之用也。不勝悽悽。呂來命備悉，故略陳至情。質死罪死罪。文選

在元城與魏太子牋

臣質言前蒙延納侍宴終日，耀靈匿景，繼以華燈，雖虞卿適趙，平

原入秦受贈千金浮觴旬日無言過也小器易盈先取沈頓醒寤
之後不識所言卽已五日到官初至承前未知深淺然觀地形察
土宜西帶恆山連岡平代北鄰柏人乃高帝之所忌也重言泝水
漸漬疆宇喟然歎息思淮陰之奇譎亮成安之失策南望邯鄲想
廉藺之風東接鉅鹿存李齊之流都人士女服習禮教皆懷慷慨
之節包左車之計而質闇弱無言蒞之若乃邁德種恩樹之風聲
使農夫逸豫于疆畔女工吟咏于機杼固非質之所能也至于奉
遵科教班揚明令下無威福之吏邑無豪俠之傑賦事行刑資于
故實抑亦懷懷有庶幾之心往者嚴助釋承明之歡受會稽之位
壽王去侍從之娛統東郡之任其後皆克復舊職追尋前軌今獨
不然不亦異乎張敞在外自謂無奇陳咸憤積思入京城彼豈虛
談夸論誑耀世俗哉斯實薄郡守之榮顯左右之勤也古今一揆
先後不貿焉知來者之不如今聊言富覲不敢多云質死罪死罪

文選

荅文帝牋

曹烈曹丹加弓公室支庶骨肉舊恩其龍飛鳳翔實其分也

文選傳賦

贈何劭王濟詩注

與文帝書

雖云幽淡視險若夷

文選張季鷹謀詩注

荅東阿王書

質白信到奉所惠脫發函伸紙是何文采之巨麗而慰喻之綢繆乎夫登東嶽者然後知眾山之邈迤也奉至尊者然後知百里之卑微也自旋之初伏念五六日至于旬時精散思越惛若有失非敢羨寵光之休慕倚頓之富誠曰身賤犬馬德輕鴻毛至乃歷立闕排金門升玉堂伏虛檻于前殿臨曲池而行觴既威儀虧替言辭漏渫雖恃平原養士之懿愧無毛遂耀穎之才深蒙辭公折節

之禮而無馮諼三窟之效。屢獲信陵虛左之德。又無侯生可述之美。凡此數者。乃質之所已憤積于胸臆。懷眷而情邑者也。若追前宴。謂之未究。傾海爲酒。并山爲肴。伐竹雲夢。斬梓泗濱。然後極雅意。盡歡情。信公子之壯觀。非鄙人之所庶幾也。若質之志。實在所天。思投印釋轍。朝夕侍坐。鑽仲父之遺訓。覽老氏之要言。對清醑而不酌。抑嘉肴而不享。使西施出帷。嫫母侍側。斯盛德之所蹈。明哲之所保也。若乃近者之觀。初學記十卷寶盪鄙心。秦箏發微。二八迭奏。塤簫激于華屋。靈鼓動于座右。耳嘈嘈于無聞。情踴躍于鞍馬。謂可北懾肅慎。使貢其楛矢。南震百越。使獻其白雉。又況權備夫何足視乎。還治諷采所著。觀省英偉。實賦頌之宗。作者之師也。眾賢所述。亦各有志。昔趙武過鄭。七子賦詩。春秋載列。已爲美談。質小人也。無已承命。又所荅貺。辭醜義陋。申之再三。赧然汗下。此邦之人。閑習辭賦。三事大夫。莫不諷誦。何但小吏之有乎。重惠苦

言訓曰政事惻隱之恩形乎文墨墨子迴車而質四年雖無德與民式歌且舞儒墨不同固已久矣然一旅之眾不足曰揚名步武之間不足曰騁跡若不改轍易御將何曰效其力哉今處此而求大功猶絆良驥之足而責曰千里之任檻猿猴之勢而望其巧捷之能者也不勝見恤謹附遺白荅不敢繁辭吳質白

文選魏文類聚二十六

將論

將者國之命也不可詳擇不可不審授也

書鈔一百一十五

卞蘭

蘭卞后弟秉子嗣封開陽侯爲奉車都尉游擊將軍加散騎常

侍有集二卷

贊述太子賦

作上賦表

伏惟太子研精典籍畱意篇章覽照幽微才不世出稟聰敏之絕性體明達之殊風慈孝發于自然仁恕洽于無外是曰武夫懷恩

文士歸德。竊見所作典論及諸賦頌。逸句爛然。沈思泉涌。華藻雲

浮。聽之忘味。奉讀無倦。

此四字從初學記。十皇太子篇補。

正使聖人復存。猶稱善

不暇。所不能開也。昔舜曰。蒸蒸顯其德。周旦不驕。成其名。豈因南

面之尊。曰發稱假。鼎足之盛。曰取譽哉。夫至尊至貴。能令人畏。不

能令人譽。故桀不能變龍逢之心。紂不能易三仁之意。懷近服遠。

非德無施。今太子博納多容。海淳岳峙。學無常師。惟德所在。恩無

所私。唯德所親。觀士察人。秋毛無失。望色則知其情。覽始則達其

終。遏僞辨于未言。絕讒巧于未形。其所曰包羅殊類。鑑觀成敗。德

生于性。明出自然。太子所行。晏然休著。皆羣下所常吟咏。誠不復

須臣贊揚。懿美。褒稱盛行。然後令夜光之璧顯于金匱。隋侯之珠

彰于韞櫝者也。今相鍾繇。大理王朗。海內英儒。國家柱臣。博物多

識。通洽君子。年着德茂。所更多矣。若游海者。難與論水。觀前世者。

不可爲言。然咸歸太子巍巍之美。敘述清風。言之有永。聽者欣欣。

忘日之夕流景耀于無窮布芳陰于四遠譬若麟龍發足羣獸追
蹤鸞鳳舉翼眾鳥隨風小臣區區嘉樂無已竊怕縣縣之屬忘恩
趙之言謹觸冒上賦一篇曰據狂狷之思

超古人之遐迹崇先聖之弘基耽八素之祕奧遵二儀于大猷正
往昔之常弊定當世之舊儀稟休和之上性應五百之運期著典
憲之高論作敘歡之麗詩越文章之常檢揚不學之妙辭蹈布衣
之所難闡善道而廣之道無濶而不測術無細而不敷論古賢曰
歎息覩懿德曰歡娛歷精思于訓籍忽日移而忘劬雖明略而無
上猶博納曰自扶賓故老曰勸俗諷六經曰崇儒嘉通人之達節
笑俗士之守株匿天威之嚴厲揚愷悌之和舒惟凡百之詠德感
恩惠之有餘信清風之休著非臣下之敢虛乃作頌曰

明明太子既微且聰博聞強記聖思無雙猗猗左右如虎如龍八
俊在側旁無諛凶富不忘施尊而益恭研精青籙留思異同建計

竝議廓然發蒙。天下延頸歌頌德音。聞之于古。見之于今。深不可測。高不可尋。創法萬載。垂此休風。藝文類聚十六
初學記十兩引

許昌宮賦

入南端曰北眺。望景福之嵒。飛棟列曰山峙。長途邈曰委蛇。見欒櫨之交錯。視陽馬之承阿。轉挾轡曰相因。若流水之揚波。木無小而不礪。材靡隱而不華。懿采色而發越。瑋巧飾之繁多。雙轅承枌。丹梁端直。明窗列布。綺井崩疑。其陰則有望舒涼室。義和溫房。隆冬御絺。盛夏重裘。同一宇之深邃。致寒暑于陰陽。脩欄蔭于階砌。崇棟拂乎旻倉。綺組發華。翡翠生光。丹草周隅。靈木成行。非窈窕之至貴。孰能升于斯堂。坐金人于闌闔。列鍾簴于廣庭。天鹿軒翥。曰揚怒。師子鬱拂。而負楨。珍果敷華。蘭芷垂榮。百壁照曜。飛響應聲。扣角則春風至。彈商則秋風征。歷神芝之峻觀。幸安昌之巍巍。設御座于鞠城。觀奇材之曜暉。二六對而講功。體便捷其若飛。

已上四語從文選景福殿賦注補進鼓舞之祕伎絕世俗而入微興七盤之遞奏

觀輕捷之翻翻初學記十振華足目卻蹈若將絕而復連鼓震動

而不亂足相續而不并婉轉鼓側蜺蛇丹庭已上六語從文選舞賦注補或遲

或速乍止乍旋但飛鳧之迅疾若翔龍之游天趙女撫琴楚媛清

謳秦箏慷慨齊舞絕殊眾技竝奏拘巧騁奇千變萬化不可勝知

樂戲闋游觀足登承光坐華幄論稽古反流俗退虛僞進敦朴寶

賢良賤珠玉豈必世而後仁在時主之所欲藝文類聚六十二

七牧

翻放袂而赴節文選陸機日出東南隅行注

座右銘

重階連棟必濁汝真金寶滿室將亂汝神厚味來殃豔色危身求

高反墜務厚更貧閉情塞欲老氏所珍周廟之銘仲尼是遵審慎

汝口戒無失人從容順時和光同塵無謂冥漠人不汝聞無謂幽

冥處獨若羣不爲福先不與禍鄰守立執素無亂大倫常若臨深
終始惟純蘇文類聚二十二

賜進士出身二品銜廣東等處提刑按察使司按察使兼管驛傳事務黃岡王毓藻校刊

全三國文卷三十終

全三國文卷三十一

烏程嚴可均校輯

魏三十一

高堂隆

隆字升平，泰山平陽人。魯高堂生後。建安中，爲丞相軍議掾，後爲歷城侯相。黃初中，除堂陽長。明帝初，入爲給事中、博士、駙馬都尉，遷陳畱太守，進散騎常侍，賜爵關內侯。青龍中，遷侍中，領太史令。景初初，遷光祿勳，有集十卷。

詔問崇華殿災咎對

崇華殿災，詔問隆此何咎。于禮寧有所禳之義乎？隆對曰：夫災變之發，皆所自明敎戒也。惟率禮脩德，可自勝之。易傳曰：上不儉，下不節，孽火燒其室。又曰：君高其臺，天火爲災。此人君苟飾宮室，不知百姓空竭，故天應之曰旱。火從高殿起也。上天降鑒，故謹告陛下。

下陛下宜增崇人道曰答天意昔太戊有桑穀生于朝武丁有雉雉登于鼎皆聞災恐懼側身脩德三年之後遠夷朝貢故號曰中宗高宗此則前代之明鑒也今案舊占災火之發皆曰臺榭宮室爲誠然今宮室之所曰充廣者實由宮人猥多之故宜簡擇留其淑懿如周之制罷省其餘此則祖己之所曰訓高宗高宗之所曰享遠號也

魏志高堂隆傳又見續漢五行志二注

詔問漢武厭災對

詔問隆吾聞漢武帝時柏梁災而大起宮殿曰厭之其義云何隆對曰臣聞西京柏梁既災越巫陳方建章是營曰厭火祥乃夷越之巫所爲非聖賢之明訓也五行志曰柏梁災其後有江充巫蠱衛太子事如志之言越巫建章無所厭也孔子曰災者脩類應行精祲相感曰戒人君是曰聖主觀災責躬退而脩德曰消復之今宜罷散民役宮室之制務從約節內足曰待風雨外足曰講禮儀

清塲所災之處不敢于此有所立作。楚苗嘉禾必生此地。曰報陛下虔恭之德。豈可疲民之力。竭民之財。寶非所曰。致符瑞而懷遠人也。

魏志高堂隆傳又見續漢五行志二注

詔問鵲巢陵霄闕對

陵霄闕始構。有鵲巢其上帝。曰問隆對曰。詩云。惟鵲有巢。惟鳩居之。今興宮室。起陵霄闕。而鵲巢之。此宮室未成。身不得居之象也。天意若曰。宮室未成。將有他姓制御之。斯乃上天之戒也。夫天道無親。惟與善人。不可不深防。不可不深慮。夏商之季。皆繼體也。不欽承上天之明命。惟讒諂是從。廢德適欲。故其亡也忽焉。太戊武丁。覩災竦懼。祇承天戒。故其興也勃焉。今若休罷百役。儉曰足用。增崇德政。動遵帝則。除普天之所患。興兆民之所利。三王可四。五帝可六。豈惟殷宗轉禍爲福而已哉。臣備腹心。苟可曰繁祉聖躬。安存社稷。臣雖灰身破族。猶生之年也。豈憚忤逆之災。而令陛下

不聞至言乎

魏志高堂隆傳

詔問未祖丑臘對

詔問何日用未祖丑臘臣隆對曰按月令孟冬十月臘先祖五祀謂薦田獵所得禽獸謂之臘左傳曰虞不臘矣唯見此二者而皆不書日聞先師說曰王者各呂其行之盛而祖呂其終而臘水始生于申盛于子終于辰故水行之君呂子祖呂辰臘火始生于寅盛于午終于戌故火行之君呂午祖呂戌臘木始生于亥盛于卯終于未故木行之君呂卯祖呂未臘金始生于巳盛于酉終于丑故金行之君呂酉祖呂丑臘土始生于午盛于戌終于寅故土行之君呂戌祖呂寅臘今魏據土德宜呂戌祖寅臘也

北堂書鈔一百五十五通

議又略見續漢禮儀志中注補

地震對
地震者臣下強盛地故震動冀所呂警懼人主不可不深思是災

按御覽作

天樞五星

天之杖也

二字一作三

御覽八百八
十引晉書

陳災異表

石氏星占曰天樞五星之杖也主黜梏亂兵客星彗茀干犯梏
兵大起二年消復之宜罷省百役勿使士卒怨于勤苦而為亂足
其廩食度其劬勞然後用之則士卒安而無亂兵矣御覽三百五十七
后妃配郊表

古來娥英姜娀盛德之妃未有配食于郊者也漢文初祭地祇于
渭陽曰高帝配孝武立后土于汾陰亦曰高帝配唯王莽引周禮
享先妣為配北郊夏至曰高后配地自此始也臣謂宜依古典曰
武皇配天地也通典四十二引宋二語

諫取長安大鐘疏

昔周景王不儀刑文武之明德忽公旦之聖制既鑄大錢又作大
鐘單穆公諫而弗聽冷州鳩對而弗從遂迷不反周德已衰良史

記焉。曰爲永鑒。然今之小人好說秦漢之奢靡。曰盪聖心。求取亡國不度之器。勞役費損。曰傷德。政非所曰興禮樂之和。保神民之休也。魏志高堂隆傳

星孛于大辰上疏

凡帝王徙都立邑。皆先定天地社稷之位。敬恭曰奉之。將營宮室。則宗廟爲先。廡庫爲次。居室爲後。今園丘方澤南北郊。明堂社稷。神位未定。宗廟之制。又未如禮。而崇飾居室。士民失業。外人咸云。宮人之用。與興戎軍國之費。所盡略齊。民不堪命。皆有怨怒。書曰。天聰明自我民聰明。天明畏自我民明威。與人作頌。則嚮曰五福。民怒吁嗟。則威曰六極。言天之賞罰。隨民言順民心也。是曰臨政。務在安民爲先。然後稽古之化。格于上下。自古及今。未嘗不然也。夫采椽卑宮。唐虞大禹之所曰垂皇風也。玉臺瓊室。夏癸商辛之所曰犯昊天也。今之宮室。實違禮度。乃更建立九龍。華飾過前。天

誓章灼始起于房心犯帝坐而干紫微此乃皇天子愛陛下是已
發教戒之象始卒皆于尊位殷勤鄭重欲必覺寤陛下斯乃慈父
懇切之訓宜崇孝子祇聳之禮已率先天下已昭示後昆不宜有
忽已重天怒

魏志高
堂隆傳

諫用法深重疏

夫拓迹垂統必俟聖朝輔世匡治亦須良佐用能庶績其凝而品
物康乂也夫移風易俗宣明道化使四表同風回首面內德教光
熙九服慕義固非俗吏之所能也今有司務糾刑書不本大道是
已刑用而不措俗弊而不敦宜崇禮樂班敘明堂脩三雍大射養
老營建郊廟尊儒士舉逸民表章制度改正朔易服色布愷悌尙
儉素然後備禮封禪歸功天地使雅頌之聲盈于六合緝熙之化
混于後嗣斯蓋至治之美事不朽之貴業也然九域之內可揖讓
而治尙何憂哉不正其本而救其末譬猶焚絲非政理也可命羣

公卿士通儒造具其事曰爲典式

魏志高堂隆傳

切諫增崇宮室疏

蓋天地之大德曰生聖人之大寶曰位何曰守位曰仁何曰聚人曰財然則士民者乃國家之鎮也穀帛者乃士民之命也穀帛非造化不育非人力不成是曰帝耕曰勸農后桑曰成服所曰昭事上帝告虔報施也昔在伊唐世值陽九厄運之會洪水滔天使鯀治之績用不成乃舉文命隨山刊木前後歷年二十二載災眚之甚莫過于彼力役之興莫久于此堯舜君臣南面而已禹敷九州庶土庸勲各有等差君子小人物有服章今無若時之急而使公卿大夫竝與厮徒共供事役間之四夷非嘉聲也垂之竹帛非令名也是曰有國有家者近取諸身遠取諸物嫗煦養育故稱愷悌君子民之父母今上下勞役疾病凶荒耕稼者寡饑饉荐臻無曰卒歲宜加愍卹曰救其困臣觀在昔書籍所載天人之際未有不

應也是曰古先哲王畏上天之明命循陰陽之逆順矜矜業業惟恐有違然後治道用興德與神符災異既發懼而脩政未有不延期流祚者也爰及末葉闇君荒主不宗先王之令軌不納正士之直言曰遂其情志恬忽變戒未有不尋踐禍難至于顛覆者也天道既著請曰人道論之夫六情五性同在于人嗜欲廉貞各居其一及其動也交爭于心欲彊質弱則縱濫不禁精誠不制則放溢無極夫情之所在非好則美而美好之集非人力不成非穀帛不立情苟無極則人不堪其勞物不充其求勞求並至將起禍亂故不割情無已相供仲尼云人無遠慮必有近憂由此觀之禮義之制非苟拘分將已遠害而興治也今吳蜀二賊非徒白地小虜聚邑之寇乃據險乘流跨有土眾僭號稱帝欲與中國爭衡今若有人來告權備竝脩德政復履清儉輕省租賦不治玩好動咨耆賢事遵禮度陛下聞之豈不惕然惡其如此已爲難卒討滅而爲國

憂乎若使告者曰彼二賊竝爲無道崇侈無度役其士民重其徵賦下不堪命吁嗟日甚陛下聞之豈不勃然忿其困我無辜之民而欲速加之誅其次豈不幸彼疲弊而取之不難乎苟如此則可易心而度事義之數亦不遠矣且秦始皇不築道德之基而築阿房之宮不憂蕭牆之變而脩長城之役當其君臣爲此計也亦欲立萬世之業使子孫長有天下豈意一朝匹夫大呼而天下傾覆哉故臣曰爲使先代之君知其所行必將至于敗則弗爲之矣是曰亡國之主自謂不亡然後至于亡賢聖之君自謂將亡然後至于不亡昔漢文帝稱爲賢主躬行約儉惠下養民而賈誼方之曰爲天下倒懸可爲痛哭者一可爲流涕者二可爲長歎息者三況今天下凋弊民無儋石之儲國無終年之畜外有彊敵六軍暴邊內興土工州郡騷動若有寇警則臣懼版築之士不能投命虜庭矣又將吏奉祿稍見折減方之于昔五分居一諸受休者又絕廩

賜不應輸者今皆出半此爲宮入兼多于舊其所出與參少于昔而度支經用更每不足牛肉小賦前後相繼反而推之凡此諸費必有所在且夫祿賜穀帛人主所自惠養吏民而爲之司命者也若今有廢是奪其命矣旣得之而又失之此生忍之府也周禮天府掌九伐之則呂給九式之用入有其分出有其所不相干乘而用各足各足之後乃呂式貢之餘供王玩好又上用財必攷于司會今陛下所與其坐廊廟治天下者非三司九列則臺閣近臣皆腹心造膝宜在無諱若見豐省而不敢呂告從命奔走惟恐不勝是則具臣非鯁輔也昔李斯教秦二世曰爲人主而不恣睢命之曰天下桎梏二世用之秦國呂覆斯亦滅族是呂史遷議其不正諫而爲世誠

魏志高堂隆傳

疾篤口占上疏

曾子有疾孟敬子問之曾子曰鳥之將死其鳴也哀人之將死其

言也善。臣寢疾病有增無損。常懼奄忽。忠款不昭。臣之丹誠。豈惟
曾子願陛下少垂省覽。渙然改往事之過謬。勃然興來事之淵塞。
使神人嚮應。殊方慕義。四靈效珍。玉衡曜精。則三王可邁。五帝可
越。非徒繼體守文而已也。臣常疾世主莫不思紹堯舜湯武之治。
而蹈踵桀紂幽厲之跡。莫不嗤笑季世。惑亂亡國之主。而不登踐
虞夏殷周之軌。悲夫。臣若所爲。求若所致。猶緣木求魚。煎水作冰。
其不可得明矣。尋觀三代之有天下也。聖賢相承。歷載數百。尺土
莫非其有。一民莫非其臣。萬國咸寧。九有有截。鹿臺之金。巨橋之
粟。無所用之。仍舊南面。夫何爲哉。然癸辛之徒。恃其旅力。知足。臣
拒諫才足。臣飾非。諂諛是尙。臺觀是崇。淫樂是好。倡優是說。作靡
靡之樂。安濮上之音。上天不譖。眷然回顧。宗國爲墟。不夷于隸。紂
縣白旗。桀放鳴條。天子之尊。湯武有之。豈伊異人。皆明王之冑也。
且當六國之時。天下殷熾。秦既兼之。不脩聖道。乃構阿房之宮。築

長城之守、矜夸中國、威服百蠻、天下震竦、道路日且自謂、木枝百
葉、水垂洪暉、豈悟二世而滅、社稷崩圯哉、近漢孝武乘文景之福、
外攘夷狄、內興宮殿、十餘年間、天下囂然、乃信越巫、懟天遷怒、起
建章之宮、千門萬戶、卒致江充妖蠱之變、至于宮室乖離、父子相
殘、殃咎之毒、禍流數世、臣觀黃初之際、天兆其戒、異類之鳥、育長
燕巢、口爪習赤、此魏室之大異也、宜防鷹揚之臣于蕭牆之內、可
選諸王、使君國典兵、往往綦跲、鎮撫皇畿、翼亮帝室、昔周之東遷、
晉鄭是依、漢呂之亂、實賴朱虛、斯蓋前代之明鑒、夫皇天無親、惟
德是輔、民詠德政、則延期過歷、下有怨歎、則掇錄授能、由此觀之、
天下之天下、非獨陛下之天下也、臣百疾所鍾、氣力稍微、輒自輿
出、歸還里舍、若遂沈淪、魂而有知、結草已報、

魏志高
堂隆傳

上韋抱事

太史許芝之所舉、韋抱遠不度于古、近不儀于今、每祭與吏爭肉、自

取百斤猶恨其少也

書鈔五十五

上言張掖瑞石事

青龍四年

古皇聖帝所未嘗蒙實有魏之禎命東序之世寶

魏志管宣傳

諫殺鹿抵罪

近日有司宣令有殺禁地鹿者身死財產殛官有能先覺白者厚

賞賜之此爲重禽獸而賤人同于齊宣王矣

御覽九百六引高堂隆集

奏事

陽符一名陽燧取火于日陰符一名陰燧取水于月竝八銅作鏡

名曰陰陽之鏡

御覽七百一十七引魏名臣奏

五祀議

國行中雷門井竈多不遍唯祀在者故曰祭五祀在于廟今每門戶輒祭之自漢以來非舊典也祭井自漢從水類不列五祀宜除之祭井祀行世本曰微作傷五祀漢書儀曰祠五祀謂五行金木

水火土也木正曰句芒火正曰祝融金正曰蓐收水正曰玄冥土
正曰后土皆古賢能治成五行有功者也主其神祀之御覽五百二十九引

魏名臣奏

薦新議

按舊典天子諸侯月有祭事其孟則四時之祭也三牲黍稷時物
咸備其仲月季月皆薦新之祭也大夫曰上將之曰羔或加曰大
而已不備三牲也士曰豚庶人則唯其時宜魚雁可也皆有黍稷
禮器曰羔豚而祭百官皆足太牢而祭不必有餘羔豚則薦新之
禮也太牢則時祭之禮也詩云四之日其蚤獻羔祭韭周之四月
則夏之二月也月令仲春天子乃獻羔開冰季春之月天子始乘
舟薦鮓仲夏之月天子乃嘗魚咸薦之寢廟此則仲春季月薦新
之禮也通典四十九

祀功臣議太和四年

按先典祭祀之禮皆依生前尊卑之敘曰爲位次功臣配食于先王象生時侍讌燕禮大夫曰上皆升堂曰下則位于庭其餘則與君同牢至于俎豆薦羞唯君傭公降于君卿大夫降于公士降于大夫使功臣配食于烝祭所曰尊崇其德明其勳曰勸嗣臣也議者欲從漢氏祭之于庭此爲貶損非寵異之謂也貴者取貴骨賤者取賤骨今使配食者因君之牢曰貴賤爲俎庶合事宜周志曰勇則害上不登于明堂共用謂之勇言有勇而無義死不登堂而配食此卽配食之義位在堂之明審也下爲北面三公朝立之位耳讌則脫屣升堂在庭也凡獻爵有十二九七五三之差君禮大夫三獻太祝令進三爵于配食者可也

通典五十

告瑞璽議

太和六年

案典瑞天子有事必告宗廟曰象生也凡宗廟祖尊而禰親祭祀告事皆先尊而後親往者得瑞璽曰告宗廟而與于親廟此則告

南面下
脫公字

于尊奠于親故事明比文皇帝文思皇后其爲慈親一體也告之
日質明宰官筵于廟堂之奧設玉几近南設洗于阼階東南酒人
設醴酒于堂脯人醢人執籩脯豆醢于洗北西面公位于阼階西
南北面太常位于阼階北面差出公後百執事敘立于卿後執璽
使者立公西北東面諸博士差退唯籩人豆人不拜餘皆拜拜訖
解紉納履博士引公祝道盥升自阼階博士立于高皇廟室戶外
西東面祝先入室南面入戶內西面博士並引卿與從公籩人醢
人百執事皆從升博士引使者升階如在廷之位卿受脯于戶外
入于筵前醢人曰醢授卿卿拜興受設于籩北興出俟事于大皇
帝室南面祝酌酒奠籩南祝道公博士引使者執邸受瑞璽于戶
祝西面立于戶外東使者還復位公奠璽于几東興復位祝入公
再拜稽首興立漏移一刻公執璽邸授使者戶外遂造太皇帝武
皇帝文皇帝皆如高皇出禮畢之後可使都督黃門兼諸官告瑞

于文思皇后寢堂如廟之禮

通典五十五

告瑞璽又議

往者得瑞璽祝文曰於惟往者神靈吐耀天球玉璽見于宗廟之宮今則西岳之精神天意重出瑞璽王國之域實爲皇天后土明報皇高曾祖武文之德德祚洋溢光潤萬國孝皇帝諱謹使上公臣某敢用嘉薦醴酒奉呈瑞璽曰告先靈尚饗

通典五十五

改正朔議

按自古有文章曰來帝王之興受禪之與干戈皆改正朔所曰明天道定民心也易曰革元亨利貞有孚改命吉湯武革命應乎天從乎人其義曰水火更用事猶王者必改正朔易服色也易通卦驗曰王者必改正朔易服色曰應天地三氣三色書曰若稽古帝舜曰重華建皇授政改朔初高陽氏曰十一月爲正薦玉曰赤繒高辛氏曰十二月爲正薦玉曰白繒尙書傳曰舜定鍾石論人聲

乃及鳥獸咸變于前故更四時改堯正詩曰一之日威發二之日
栗烈三之日于赧傳曰一之日周正月二之日殷正月三之日夏
正月詩推度災曰如有繼周而王者雖百世可知曰前檢後文質
相因法度相改三而復者正色也二而復者文質也曰前檢後謂
軒轅高辛夏后氏漢皆曰十三月爲正少昊有唐有殷皆曰十二
月爲正高陽有虞有周皆曰十一月爲正後雖百世皆曰前代三
而復也禮大傳曰聖人南面而治天下必正度量考文章改正朔
易服色殊徽號樂稽曜嘉曰禹將受位天意大變迅風雷雨曰明
將去虐而適夏也是曰舜禹雖繼平受禪猶制禮樂改正朔曰應
天從民夏曰十三月爲正法物之始其色尚黑殷曰十二月爲正
法物之耳其色尚白周曰十一月爲正法物之萌其色尚赤能察
其類能正其本則獄瀆致雲雨四時和五稼成麟皇翔集春秋十
七年夏六月甲子朔日有蝕之傳曰當夏四月是謂孟夏春秋元

按宋書
禮志
寶作寄

命苞曰王者受命昭然明于天地之理故必移居處更稱號改正朔易服色曰明天命聖人之寶質文再而改窮明相承周則復始正朔改則天命顯凡典籍所記不盡于此略舉大較亦足曰明也

宋書禮

志一

瑞贊議

青龍二年

按周禮公執桓珪公謂上公九命分陝而理及二王後也今大司馬公大將軍實分征東西可謂上公矣山陽公衛國公則二王後也侯執信珪謂地方四百里伯執躬珪謂地方三百里皆七命也今郡王戶數多者可如侯少者可如伯子執穀璧謂地方二百里男執蒲璧謂地方百里皆五命也今縣主戶數多者可如子少者可如男上公禮其率諸侯曰朝則執桓珪自非朝宗則如八命之公與王論道有事而進則執璧今二王後諸王若入朝覲二公率已進退則執桓珪其朝王則與羣公執璧按周禮王官唯公執璧

漢大將軍驃騎車騎衛將軍開府辟召掾屬與公同儀則執璧可也孤皮帛卿羔孤謂天子七命之孤及大國四命之孤副公與王論道尊于六卿其執贄曰虎皮裘束帛今九卿之列太常光祿勳衛尉尊于六卿其執贄如孤也其朝王執皮帛可也三府長史亦公之副雖有似于孤實卑于卿大夫之禮可也公之孤煩聘于天子及見于其君其贄曰豹皮裘束帛今未有其官意謂山陽公之上卿可曰當之卿謂六官六命之卿及諸侯三命再命之卿也今六卿及命永壽永安長秋城門五校皆執羔可也諸侯之卿自于其君亦如之天子卿大夫飾羔雁曰纁諸侯卿大夫飾羔雁曰布州牧郡守曰功德賜勞秩比中二千石者其朝覲宜依卿執羔金紫將軍秩比中二千石與卿同大夫執雁謂天子中下大夫四命及諸侯再命一命之大夫也其位卑于卿今王府長史及五命二千石之著者也博士儒官歷代禮服從大夫如前執雁可也州牧

郡守未賜者宜依大夫執雁皆飾曰績諸縣千石六百石今士大夫若或會觀宜執雁飾曰布士執雉謂天子三命之士及諸侯一命再命之士也府史目下至于比長庶人在官亦謂之士諸縣四百石三百石長從士禮執雉可也通典七十五

服黃讀令議

景初元年

黃屬土也土王四季各十八日土生于火故于火用事之末服黃

二季則不其令則隨四時不曰五行爲令也是曰服黃無令通典七十一

景初元年通事奏曰前後但見讀四時令至于服黃之時獨闕太令史高堂隆曰爲

諸侯稱薨議

按服本通典作三季則不其令則隨時不以土行爲令也

諸侯曰薨亦取隕墜之聲也禮王者之後公及王之上公九命爲

二伯者侯伯皆執珪子男及王之公皆執璧其卒皆曰薨今可使

二王後公及諸國王執珪大將軍縣亭侯有爵土者車騎衛將軍

辟召掾屬與三公俱執璧者卒皆稱薨禮大夫曰卒者言陳力展

士事當作

志功成事卒無遺恨也。今太中大夫秩千石，諫議中散大夫秩皆六百石，此正天子之大夫也。而使下與二百石同列，稱不祿爲大夫，死貶從事，殆非先聖制禮之意也。士不祿者，言士業未卒，不終其祿也。通典八十三

荅卞蘭難取鐘

夫禮樂者爲治之大本也。故節韶九成，鳳凰來儀；雷鼓六變，天神曰降。政是曰平，刑是曰錯。和之至也，新聲發響。商辛曰隕，大鐘既鑄。周景曰弊，存亡之機。恆由斯作，安在廢興之不階也？君舉必書，古之道也。作而不法，何曰示後？聖王樂聞其闕，故有箴規之道。忠臣願竭其節，故有匪躬之義也。魏志高堂隆傳

對或問藏主

或問高堂隆曰：昔受訓云：馮君八萬言章句，設正廟之主各藏太室西壁之中，遷廟之主于太室北壁之中。按逸禮藏主之處，似在

有下脫
制字

章當作
即

堂上壁中答曰章句但言藏太祖北壁中不別堂室愚意曰堂上
無藏主當室之中也

通典四
十八

對尙書曹訪物故

尙書曹訪云官寮終卒依禮各有至于其間令長曰下通言物故
不知物故之名本何所出高堂隆答曰聞之先師物無也故事也
言無復所能干事也

通典八十三又
蜀志劉璋傳注

對尙書祠部問同母異父昆弟服

景初中尙書祠郎問曰同母異父昆弟服應幾月太常曹毗述博
士趙怡據子游鄭注大功九月高堂隆云聖人制禮外親正服不
過總麻異外內之明理也外祖父母曰尊加從母曰名加皆小功
舅總服而已外兄弟異族無屬疏于外家遠矣故于禮序不得有
服若已同居從同爨服無緣章云大功乃重于外祖父母皆實先
賢之過也

通典九
十一

賜進士出身二品銜廣東等處提刑按察使司按察使兼管驛傳事務貴岡王毓藻校刊

全三國文卷三十一終

全三國文卷三十二

烏程嚴可均校輯

魏三十二

劉劭

劭字孔才廣平邯鄲人建安中爲太子舍人遷祕書郎黃初中爲尙書郎散騎侍郎太和中出爲陳畱太守徵拜騎都尉遷散騎常侍正始中封關內侯卒贈光祿勳有人物志三卷法論十卷集二卷

趙都賦

且敝邑者固靈州之敝宇而天下之雄國其南也則有洪川巨瀆黃水濁河發源積石徑拂太華灑爲九流入于玄波其東則有天津水府百川是鍾包絡坤維連薄太濛北則有陶林玄壇增冰涇寒西則有靈丘平圃邪接崑崙其近則有天井句注飛壺太行瑤

錯磔硤屬阜連岡。龍首峩峩曰峴。羊坂輪囷曰岷。嶧清漳發源。
濁滏汨越。湯泉涸沸。洪波漂厲。爾乃都城萬雉。百里周迴。九衝交
錯。三門秀開。層樓竦閣。連棟結階。峙華爵曰表。甍若翔鳳之將飛。
正殿儼其造天。朱櫺赫曰舒光。盤虬螭之蜿蜒。承雄虹之飛梁。結
雲閣于南宇。立叢臺于少陽。及至暮秋涉冬。則風烈。寒猛豺鷲
攫。鷹隼奮翰。國乃講武。狩于清源。駕鷺冥之駿駁。抗沖天之旌旃。
北連昭餘。南屬呼沱。西眄太陵。東結遼河。然後嶠子放機。戈矛亂
發。決班響。破文頰。當手斃僵。應弦倒越。爾乃進夫中山名倡。襄國
妖女。狄鞮妙音。邯鄲才舞。六八駢羅。遞奏迭舉。體凌浮雲。聲哀激
楚。姿絕倫之逸態。實倬然而寡偶。其珍玩服物。則昆山美玉。玄珠
曲環。輕綃繁縠。織繡綈紉。其器用良馬。則六弓四弩。綠沈黃間。堂
嶠魚腸。丁令角端。飛兔裹斯。常驪紫燕。豐贄碩顧。龍身鵠頸。目如
黃金。蘭筋參精。迅躡飛浮。軼響追聲。若乃至季春元巳。辰火熾光。

挺新贈往、祓于水陽、朱幕蔽野、綵帷連岡、妖冶呈飾、顏如春英、

類聚六十一又略見文選海賦注指白馬賦注初學記六又十五二十二御覽三百四十七

巨鰲冠山、陵魚吞舟、吸滌吐波、氣成雲霧、

文選海賦注又續連珠注

照氣成虹、霓揮袖起風雲、

文選七教注

神鉦發聲、

文選魏都賦劉淵林注

置酒乎黃華之館、

御覽一百九十四

其謀謨之士、則思通神睿、權略無形、沈窺生蛙、轉敗為成、

書鈔一百九十四

辯論之士、則智凌狙、材過東里、分摛滯義、割擗纖理、論折堅白、

辯臧三耳、

御覽四百六十四

游俠之徒、蹄風擬類、貴交尚信、輕命重氣、義激毫毛、節成感慨、

御覽四百七十三

爰及富人、郭侯之倫、貫衍陶衛、參溢無垠、金碧其輿、朱丹其輪、會

遇燕好其從如雲御覽四百七十二

許都賦

洛都賦案此二賦見魏志本傳文俱佚

嘉瑞賦

乾坤交泰嘉瑞降靈皓雉呈其潔質素威效其人形白兔揚其翰
耀黃龍耀其神精章光列之焯耀顯休徵之有成昔聖王之降瑞
或卓爾而弗經猶著美于篇籍貽來業而垂名實明德之所鑒宜
允納而是下信無思而不服又何遠之不靈方將收麒麟于玄圃
栖鳳皇于軒轅舞鸞鳥于中唐聆鸞鶯之和鳴弄萋蒲之華芳翫
朱草之丹榮承靈祚而建基垂遐福于億齡超三五而無儔與泰
初乎齊聲藝文類聚九十八

龍瑞賦

太和七年春龍見摩陂行自許昌親往臨觀形狀瓌麗光色燭耀

侍衛左右咸與覩焉。自載籍所紀瑞應之致或翔集于邦國卓犖于要荒未有若斯之著明也。

惟殷規之舊式乃展義而省方。皇輿發于洛邑遂巡幸于許昌。憲宸極之天居建正殿曰當陽歲在析木時惟仲春靈威統方句芒司辰陽升九四或躍于淵有蜺之龍來遊郊甸應節合義象德效仁紆體盤縈摘藻布文青耀章采雕琢璘玢煥若羅星蔚若翠雲光鳥奕曰外照水清景而內分聖上觀之無射左右察之既精聊假物曰擬身忽神化而無形泉含物而下澹固保險而常寧昔太昊之初化首帝德曰表名暨明后之隆盛又降見曰揚聲惟珍獸之玄真實殊異于四靈信應龍之道揚將天飛于泰清。藝文類聚九十人初

學記

三十

上都官攷課疏

百官攷課王政之大較然而歷代弗務是曰治典闕而未補能否

混而相蒙陛下目上聖之宏略愍王綱之弛頽神慮內鑒明詔外發臣奉恩曠然得旨啟矇輒作都官攷課七十二條又作說略一篇臣學寡識淺誠不足旨宣賜聖旨著定典制

魏志劉劭傳

祀六宗議

萬物負陰而抱陽沖氣曰爲和六宗者太極沖和之氣爲六氣之

宗者也虞書謂之六宗周書謂之天宗

晉書禮志上景初二年大議其神朝土紛紜各有所

魏惟散騎常侍劉劭曰爲云云

元會日蝕議

梓愼裨竈古之良史猶占水火錯失天時禮諸侯見天子入門不得終禮者四日蝕在一然則聖人垂制不爲變異先廢朝禮或災消異伏或推術謬誤

通典七十八人建安中將元會而太史上言正朝當日蝕朝臣議應會不博平計吏劉劭建

言云云時尙書令荀彧及衆人咸善而從之遂朝如舊日亦不蝕劭由此著名

皇后銘旌議

有告及逮受科有登聞道辭故分爲告劾律囚律有繫囚鞠獄斷獄之法興律有上獄之事科有攷事報讞宜別爲篇故分爲繫訊斷獄律盜律有受所監臨受財枉法雜律有假借不廉令乙有所呵人受錢科有使者驗賂其事相類故分爲請賕律盜律又有敦辱強賊興律有擅興徭役具律有出賣呈科有擅作脩舍事故分爲擅興律興律有乏徭稽留賊律有儲峙不辦廢律有乏軍之興及舊典有奉詔不謹不承用詔書漢氏施行有小愆乏及不如令輒劾已不承用詔書之罪腰斬又減曰丁酉詔書丁酉詔書漢文所下不宜復曰爲法故復別爲之留律秦世舊有廢置乘傳副車食廚漢初承秦不改後曰費廣稍省是故後漢但設騎置而無車馬律猶著其文則爲虛設故除廢律取其可用合科者曰爲郵騎令其告反逮驗別入告劾律上言變事曰爲變事令曰警事告急與興律烽燧及科令者曰爲警事律盜律有還贓界王金布律有

罰贖入責。曰：呈黃金爲償。科有平唐坐贓事。曰：爲償贓律。蓋律之初制，無免坐之文。張湯、趙禹始作監臨部主見知故縱之例，其見知而故不舉劾者，各與同罪。失不舉劾，各曰贖論。其不見不知不坐也。是曰文約而例通。科之爲制，每條有違科不覺不知從坐之免，不復分別。而免坐繁多，宜總爲免例。曰省科文，故更制定其由。例曰爲免坐律。諸律令中有其敎制本條無從坐之文者，皆從此取法也。凡所定增十三篇，就故五篇合十八篇。于正律九篇爲增。于旁章科令爲省矣。改漢舊律，不行于魏者，皆除之。更依古義，制爲五刑。其死刑有三，髡刑有四，完刑作刑各三，贖刑十一，罰金六，雜抵罪七。凡三十有七。名曰爲律首。又改賊律，但曰言語及犯宗廟園陵，謂之大逆。無道腰斬。家屬從坐，不及祖父母孫。至于謀反大逆，臨時捕之，或汚瀦，或梟殖，夷其三族，不在律令。所曰嚴絕惡路也。賊鬪殺人，曰劾而亡。許依古義，聽子弟得追殺之。會赦及過。

誤相殺不得報讎所已止殺害也殺繼母與親母同防繼假之隙也除異子之科使父子無異財也毆兄姊加至五歲刑已明教化也囚徒誣告人反罪及親屬異于善人所已累之使省刑息誣也改投書棄市之科所已輕刑也正篡囚棄市之罪斷兇強爲義之蹤也二歲刑已上除家人乞鞠之制所已省煩獄也改諸郡不得自擇伏日所已齊風俗也

晉書刑法志通典一百六十三

人物志序

夫聖賢之所美莫美乎聰明聰明之所貴莫貴乎知人知人誠智則眾材得其序而庶績之業興矣是已聖人著爻象則立君子小人之辭敘詩志則別風俗雅正之業制禮樂則攷六藝祇庸之德躬南面則援俊逸輔相之材皆所已達眾善而成天功也天功既成則竝受名譽是已堯已克明俊德爲稱舜已登庸二人爲功湯已拔有莘之賢爲名文王已舉渭濱之叟爲貴由此論之聖人與

德孰不勞聰明于求人獲安逸于任使者哉是故仲尼不試無所
援升猶序門人曰爲四科泛論眾材曰辨三等又歎中庸曰殊聖
人之德尙德曰勸庶幾之論訓六蔽曰戒偏材之失思狂狷曰通
拘抗之材疾慳慳而無信曰明僞伯之難保又曰察其所安觀其
所由曰知居止之行人物之察也如此其詳是曰敢依聖訓志序
人物庶曰補綴遺忘惟博識君子裁覽其義焉

宋本人物志

七華

玄休先生棄世遁名藏身于虛廓絕影于無形榮時子聞而往焉
曰僕聞至人之生世也必承天地之時勢統萬物之絃綱生有九
州之秩沒有祀典之常僕將爲先生陳天下之遠圖論品物之弘
式規人事之榮華傳情志之所極

藏文類聚五十七

榮時子曰追風之馬出自遐裔狀若逸蚪莫能羈制踐路躡節迅
驅機發後不可及前不可越尋□逸轡追曷逐電

藏文類聚五十七

漱馬河源遊目崑崙

文選魏都賦注

超重淵越流沙

文選七命注

榮時子曰三時既畢玄冬效節木落草弊鳥竄獸穴爾乃駕六虬

乘雕軒載金鉦鳴玉鸞鼓與雷起野火電延聲與天屬燦與電連

藝文類聚

五十七

榮時子曰洞庭之鮒

藝文類聚作鮒

出于江渚紅腴青鱸朱尾碧鱗乃使

朱玄揮轡騁厥妙伎先事□□敷割皮骨

書鈔一百四十五引南條藝文類聚五十七

煮丹穴之卵包南海之蠟□□除之□□鑿麒麟之廐

書鈔一百四十二一百四

五十

煎雋陵之縹翠蒸葱嶺之碧雞

書鈔一百四十二又一百四十五作嵩陵御覽九百二十四

厥齊不同各有攸宜九沸三變其味乃和

書鈔一百四十二

于是爨陽山之稌九朔之禾

書鈔一百四十二

金光鏡野旌旗曜天雷輜騶路風馬如雲

藝文類聚五十七

化如神明

書鈔

威光遠震

書鈔

于是三辰增曜、大明重光、醴泉波流、芝圃揚芳、毛羣率舞、羽族迴

翔、聆九韶之聲、變儀矩步之踰踰、感神人而懷異物、窻九有而綏

人荒

藝文類聚

樂論

凡十四篇見魏志本傳

飛白書勢

鳥魚龍蛇、龜獸仙人、蛟腳偃波、楷隸八分、世施常妙、索草鍾真、爰

有飛白之麗、貌豔勢珍、若乃數折毫芒、纖手和會、素幹冰解、蘭墨

電掣、直准箭馳、屈擬蜺勢、繁節參譚、綺靡循殺、有若煙雲拂蔚、交

紛刻繼、韓盧接飛、宋鵲遊逝

藝文類聚

文帝詠

鳳皇立燾

文選頭陀寺碑注

明帝誅

先皇嘉其誕受洪允

文選精白
馬賦注

劉放

放字子棄涿郡人曹公辟司空參軍歷主簿記室出爲郃陽祿
祿贊令魏國建爲祕書郎文帝卽王位轉祕書丞徙爲令黃初
初改中書監加給事中賜爵關內侯掌機密進封魏壽亭侯明
帝卽位加散騎常侍進封西鄉侯青龍中加侍中光祿大夫景
初中封方城侯齊王時加左光祿大夫轉驃騎將軍年老遜位
復爲侍中領中書令卒諡曰敬侯

案魏志本傳放善爲書敬三
祖詔命有所招喻多放所爲

奏停賣胡粉

今官販粉賣胡粉與百姓爭錐刀之末利宜乞停之

書鈔一百三
十五引魏名

臣奏

孫資

資字彥龍太原人歷縣令參丞相軍事魏國建爲祕書郎文帝
卽王位轉祕書丞及受禪改中書令加給事中封關內侯掌機
密明帝時加散騎常侍封樂陽亭侯進封左鄉侯青龍中加侍
中光祿大夫景初中進封中都侯齊王時加右光祿大夫轉衛
將軍呂年老遜位歸第就拜驃騎將軍轉侍中卒諡曰貞侯
呂太尉司馬懿爲太傅詔

昔吳漢佐光武有征定四方之功爲大司馬名稱于今太尉體道
一作體履正直盡忠三世南擒孟達西破蜀虜東滅公孫淵功蓋海內
先帝本呂前後欲更其位者輒不彌久是呂遲遲不施行耳今大
將軍薦太尉宜爲大司馬既合先帝本旨又放推讓進德尙勳乃
欲明賢良辨等列順長少也雖旦奭之屬宗師呂望念在引領呂
處其下何呂過哉朕甚嘉焉朕惟先帝固知君子樂天知命纖芥
細疑不足爲忌當顧柏人彭亡之文故用低回有意未遂耳斯亦

先帝敬重大臣恩愛深厚之至也昔周成王建保傅之官近漢顯宗呂鄧禹爲太傅皆所呂優崇雋乂必有尊也其呂太尉爲太傅持節統兵都督諸軍事如故

魏志曹爽傳注引魏書帝使中書監劉放令孫資爲詔又略見魏志齊王

紀芳

對明帝詔周萬年後計

陛下恩深慮遠誠非愚臣所及書傳所載皆聖聽所究向使漢高不知平勃能安劉氏孝武不識金霍付屬已事殆不可言文皇帝始召曹真還時親詔臣呂重慮及至晏駕陛下卽阼猶有曹休外內之望賴遭日月御勒不傾使各守分職纖芥不聞呂此推之親臣貴戚雖當據勢握兵宜使輕重素定若諸侯典兵力均衡平寵齊愛等則不相爲服不相爲服則意有異同今五營所領見兵常不過數百選授校尉如其輩類爲有儔匹至于重大之任能有所維綱者宜呂聖恩簡擇如平勃金霍劉章等一二人漸殊其威重

使相鎮固于事為善

魏志劉放傳注
引孫資別傳

又對

臣聞知人則哲惟帝難之唐虞之聖凡所進用明試已功陳平初
事漢祖絳灌等謗平有受金盜嫂之罪周勃已吹簫引彊始事高
祖亦未知名也高祖察其行迹然後知可付已大事霍光給事中
二十餘年小心謹慎乃見親信日磾夷狄已至孝實直特見擢用
左右尚曰妄得一胡兒而重貴之平勃雖安漢嗣其終勃被反名
平劣自免于呂須之讒上官桀桑弘羊與霍光爭權幾成禍亂此
誠知人之不易為君之難也又所簡擇當得陛下所親當得陛下
所信誠非愚臣之所能識別

魏志劉放傳注
引孫資別傳

薦賈逵于相府

遠在絳邑帥厲吏民與賊郭援交戰力盡而敗為賊所俘挺然直
志顏辭不屈忠言聞于大眾烈節顯于當時雖古之直髮據鼎罔

已加也其才兼文武誠時之利用

魏志賈逵傳注引孫資別傳

韋誕

誕字仲將京兆人太僕端子稱草聖建安中爲郎中正始中遷侍中中書監後呂光祿大夫致仕有集三卷

牧志賦

肩鴻烈之末流蒙祖考之餘德奉過庭之明訓納微躬于軌則勉四民之耕耘遂能辯乎菽麥自弱冠而立朝無匡時之異才每寤寐已歎息思損已而降階遭大魏之革命罔羣士于行職雖固陋之無用猶收錄而序飾歷文武于機衡擁大璫于帝側隨倫儕已案牒乃剖符而封殖顧儀服而增憤心夕惕已愧惡蒙聖皇之宏恩過待罪于卿士奏朝請于朔望恭禋享于郊祀念余年之冉冉忽一過其如馳微奇功已佐時徒曠官其何爲匪遜讓之足殉信神氣之稍衰將訴誠于明后乞骸骨而告歸

景福殿賦

瞻大廈之穹崇，結層構而高曠。脩棟迫日虹，壯飛甍竦而鳳翔。榱

桷駢逼，目星羅軒檻。曼延而悠長，伏應龍于反宇。乘流蘇以飄揚，

于是周覽升降，流目評觀。叢楹負極，飛檻承櫟。枅栱綺錯，隨肝二

御覽棗梲鱗攢。芙蓉側植，藻井懸川。則有此二字依文選舊望舒

涼室，義和溫房。玄冬則煖，炎夏則涼。總寒暑于區宇，制天地之陰

陽。又有外城金狄，詭貌殊姿。列于應門，肅有容威。若乃離殿別館，

粲如列星。安昌延休，清宴永寧。美百號文選景福殿之特居，嘉休

祥之令名。步雕輦以逍遙，時容與于蘭庭。又有教坊講肆，才士布

列，新詩變聲。曲調殊別，吟清商之激哇。發角徵與白雪，音感靈已

動物。起世俗以獨絕，然後御龍舟。今翳翠蓋，吳姬擢歌。越女鼓柁，

詠采菱之清謳。奏淥水之繁會，藝文類聚六十二

昭剛義于金光。崇柔惠于建陽，御覽一百八十八

文選景福殿賦注

時襄羊已劉覽步華輦于永始知稼穡之艱難壯農夫之克敏同

虞淵靈沼淥水泱泱文選景福殿賦注

北看高昌邪睨建城文選景福殿賦注

踐高昌已北眺臨列隊之京市文選景福殿賦注

奏題署

蔡邕自矜能書兼明斯喜之法非流統體素不安下筆已上四語從尺牘清

補夫工欲善其事必先利其器用張芝筆左伯紙及臣墨兼此三

具又得臣手然後可逞徑丈之勢方寸千言御覽七百四十七引三輔決錄注

駁議胡昭

禮賢徵士王政之所重也古者攷行于卿今顯等位皆常伯納言

疑為卿佐足已取信附下罔上忠臣之所不行也昭宿德耆艾遺

逸山林世所高尚誠宜嘉異魏志管寧傳注引高士傳

皇后親蠶頌

于時明庶扇物，鳥帑昏正。躬耕帝藉，邁德班令。嘉柔桑之肇敷，思郊廟之至敬。命皇后已親蠶，俾躬桑于外坰。攷時日于巫咸，詔大卜已獻貞。御坤德之大輅，翳翠葆已揚旌。爾乃皇英參乘，塗山奉輿。總姜任于後陳，載樊衛于貳車。千乘隱其雷動，萬騎粲已星敷。啟前路于三官，命蚩尤而清衢。遊青虬于左角，步素螭于右隅。登崇壇而正位，覲休氣于朝陽。步雕輦而下降，采柔條于公桑。嬪妾肅已蒞事，職蠶植而承筐。供副禕之六服，昭孝敬于烝嘗。盛華禮于中宇，神化馳于八方。乃延羣妾，宴賜于前。降至貴已逮下，布愷悌之渥恩。禮儀備序，巾車迴轅。班中黃之禁財，散束帛之芟芟。神澤霈已雨施，洪惠播于無原。同頌慶于生民，發三靈之永歡。苞繁祐于萬國，卷福釐已言旋。美休祚于億載，豈百世之曾玄。

藝文類聚十五

初學記十四

太僕杜侯詠

入作納言光耀紫微

北堂書鈔一百六十

墨方

合墨法曰真朱一兩麝香半兩皆搗細後都合下鐵臼中搗三萬杵杵多愈益不得過二月九月

初學記二十一

筆方

先次曰鐵梳兔毫及羊青毛去其穢毛蓋使不髴如訖各別之皆用梳掌痛拍整齊毫鋒端本各作扁極令均調平好用衣羊青毛縮羊青毛去兔毫頭下一二分許然後合扁捲令極圓訖痛頤之已所整羊毛中或用衣中心名曰筆柱或曰墨池承墨復用毫青衣羊毛外如作柱法使中心齊亦使平均痛頤納管中寧隨毛長者使深寧小不大筆之大要也

齊民要術九

賜進士出身二品銜廣東等處提刑按察使司按察使兼管驛傳事務黃岡王毓藻校刊

全三國文卷三十二終